



# Hosikati ya vutlhari

Tshedza Tlhako

Busisiwe Ndlovu





Hosikati Lufuno u fumile tiko ra Roswika.

Hosikati Lufuno a ri murhangeri wa kahle na malwandla.

A tlhela a va a tlharihile swinene.



Hosikati a khoma vanhu hinkwavo eRoswika ku ringana.

Hikokwalaho ka sweswo, vanhu a va n'wi rhandza swinene.

Maluta a ri un'wana wa vatsundzuxi vo tshembeka va Hosikati Lufuno.



Nuna wa Maluta, Tshidino, a nga tsakeli malwandla ya Hosikati Lufuno. A nga tsakeli leswi vanhu a va n'wi ndhundhuzerisa xiswona.

U vule leswaku, "Xana i ncini lexi Lufuno a nga na xona mina ndzi nga riki na xona? Ndzi nga va murhangeri ku tlula yena."



Siku rin'wana, Hosikati Lufuno na Maluta a va ri karhi va kanale tindlela leti nga tirhisiwaka ku phakela mati eka vanhu.

Va kanetana no jikajikisana.



Leswi swi kwatisile Maluta. Loko a fika ekaya, u yile eka nuna wa yena.

“Mina na Hosikati Lufuno a hi twanani hi timhaka ta mphakelo wa mati,” u vurile a hlundzukile.



Tshidino a ehleketa a ri swakwe, "A ndzi ta endla swo antswa loko a ndzi ri Hosi."

U hlohlolele nsati ku va a nga tsakeli Hosikati.



Hi siku leri landzelaka, Tshidino u hlengetele vaakatiko leswaku ku va na nhlengetano.

U va byele leswaku, “Hi nge rhangeriwi hi wansati. Ndzi ta va Hosi yo antswa.”





Vanhu lava a va nhlengeletanile va ehleketile hi marito ya Tshidino.

A va yimangi na yena.



Un'wana a vula leswaku, "Hosikati wa hi ehleketelela. U akile swikolo swa vana va hina."

Un'wana na yena a vula leswaku, "Hi na ndhawu yo rima eka yona, naswona u vona leswaku munhu un'wana na un'wana u na mati. I murhangeri wa kahle."



Munhu wa vunharhu a engetela, “Hi rhangeriwe hi vanhu vo hambana. A ndzi tshama ndzi vona wo tlhariha ku fana na Hosikati Lufuno. Tihosi ta tindhawu tin’wana va ta laha ku ta kombela switsundzuxo eka yena.”



Loko Tshidino a twa leswi, u yile ekaya a hlundzukile.

Maluta a ku ka yena, “Vanhu va Roswika va vulavurile. U fanele ku amukela ku navela ka vanhu.”



Loko Hosikati yi twa leswi, a n'wayitela.

A nga xupulangi Tshidino, u swi tivile ku u hlurile.

Loko vanhu va ri na kurhula, va humelerile na ku tsaka, va seketela varhangeri va vona.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



World Change Starts with Educated Children

Your attribution should include the following:

Title: Hosikati ya vutlhari

Author/s: Tshedza Tlhako

Translator/s: Bongani Maluleke

Illustrator/s: Busisiwe Ndlovu


Assurer/s: Arnold Mushwana, Bongani Maluleke

Language: Xitsonga



© Zenex Foundation - Saide 2023

CC BY includes the following elements:

BY  - Credit must be given to the creator

